



Broj: 01/1-50-1-1-90/10
Sarajevo, 18.1. 2010. godine

Z A P I S N I K

90. sjednice Ustavnopravne komisije

Sjednica je održana 18. 1. 2010., s početkom u 10 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Lazar Prodanović, Drago Kalabić, Ekrem Ajanović, Martin Raguž, Halid Genjac i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Jusuf Halilagić, Mustafa Bisić, Milana Popadić, Fazila Musić, Bojan Ninković i Aleksandar Tomić, Centralne izborne komisije BiH Jasna Hadžiabdić, USAID-a Nedim Hogić, OHR-a Jelena Despot, Ureda za razmatranje žalbi Amir Pilav, poslanici Denis Bećirović, Remzija Kadrić i Lejla Klokić, iz Zakonodavno-pravnog sektora PSBiH Alma Salkić-Mijić te iz Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje Zapisnika 89. sjednice Ustavnopravne komisije, održane 28.12.2009.;
2. Prijedlog zakona o izmjenama Zakona o klasifikaciji djelatnosti u Bosni i Hercegovini, predlažać: Vijeće ministara BiH (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
3. Prijedlog zakona o izmjenama i dopunama Zakona o carinskoj politici Bosne i Hercegovine, predlažać: Vijeće ministara BiH (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
4. Prijedlog zakona o dopunama Krivičnog zakona Bosne i Hercegovine broj: 01-02-5-100/ 09, od 30. 10.2009., predlažać poslanik Denis Bećirović (**usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
5. Prijedlog zakona o sprečavanju sukoba interesa u institucijama Bosne i Hercegovine, predlažać: Vijeće ministara BiH (**usklađenost sa Ustavom BiH i pravnim sistemom BiH i principi prijedloga zakona, u skladu s čl.103. i 104. Poslovnika Doma**);
6. Prijedlog zakona o Sudskoj policiji Bosne i Hercegovine, predlažać: Vijeće ministara BiH (**usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
7. Prijedlog zakona o izmjeni Zakona o Sudu Bosne i Hercegovine broj: 01–02–5–118/09, od 15.12.2009., predlažać: poslanik Azra Hadžiahmetović, skraćeni zakonodavni postupak- (**usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
8. Prijedlog zakona o izmjenama i dopunama Zakona o Tužilaštvu Bosne i Hercegovine broj: 01–02–5–119/09, od 15.12.2009., predlažać: Azra Hadžiahmetović, skraćeni zakonodavni postupak- (**usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
9. Prijedlog zakona o izmjenama i dopunama Okvirnog zakona o visokom obrazovanju u Bosni i Hercegovini broj: 01–02–7–108 /09, od 24.11.2009., predlažać: poslanik Denis Bećirović, (**ponovno razmatranje usklađenosti sa Ustavom BiH i pravnim sistemom BiH i principi prijedloga**

zakona, u skladu s čl. 103. i 104. Poslovnika Doma na osnovu zaključka Doma s nastavka 69. sjednice, održanog 12.1.2009.);

10. Ostala pitanja:

- **Prijedlog prečišćenog teksta Izbornog zakona Bosne i Hercegovine (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma);**
- **Prijedlog prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma);**
- **Zahtjev Ustavnog suda Bosne i Hercegovine za izjašnjenjem o Zahtjevu Milorada Živkovića, predsjedavajućeg Predstavničkog doma Parlamentarne skupštine BiH, za ocjenom ustavnosti člana 6. Zakona o Agenciji za osiguranje u Bosni i Hercegovini („Službeni glasnik BiH“, broj 12/04) (razmatranje zahtjeva u skladu s članom 41. stav (1) tačka g) Poslovnika Doma);**
- **Inicijativa poslanika Mirjane Malić, od 28.12.2009. (razmatranje inicijative u skladu s članom 41. stav (2) Poslovnika Doma);**
- **Informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 12.6.2009. Konačna informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 9.10.2009., i Dopuna Informacije, od 28.12.2009., podnosioca Ministarstva pravde BiH (razmatranje informacija u skladu s članom 41. stav (2) Poslovnika Doma);**
- **Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06,24/06,70/06), podnosioci Agencija za javne nabavke BiH i Ured za razmatranje žalbi (razmatranje Nacrta prijedloga zakona o izmjeni Zakona o javnim nabavkama na osnovu zaključka s 85. sjednice Komisije);**
- **Izveštaj o radu Ustavnopravne komisije Predstavničkog doma za 2009. godinu (razmatranje izvještaja u skladu s članom 31. stav (2) Poslovnika Doma).**

Ad.1. Usvajanje Zapisnika 89. sjednice Ustavnopravne komisije, održane 28.12.2009.

S obzirom da nije bilo rasprave, Komisija je jednoglasno usvojila Zapisnik 89. sjednice.

Ad.2. Prijedlog zakona o izmjenama Zakona o klasifikaciji djelatnosti u Bosni i Hercegovini, predlagач: Vijeće ministara BiH (usklađenost sa Ustavom BiH i pravnim sistemom BiH, u skladu s članom 103. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.3. Prijedlog zakona o izmjenama i dopunama Zakona o carinskoj politici Bosne i Hercegovine, predlagач: Vijeće ministara BiH (usklađenost sa Ustavom BiH i pravnim sistemom BiH, u skladu s članom 103. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.4. Prijedlog zakona o dopunama Krivičnog zakona Bosne i Hercegovine broj: 01-02-5-100/ 09, od 30. 10.2009., predlagач: poslanik Denis Bećirović (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali: predlagač zakona poslanik Denis Bećirović i članovi Komisije: Ekrem Ajanović, Momčilo Novaković, Drago Kalabić, Martin Raguž, Adem Huskić, Šefik Džaferović, Lazar Prodanović, Velimir Jukić i Halid Genjac.

Komisija je, nakon rasprave, sa šest glasova „za“, bez glasova „protiv“ i tri „suzdržana“ glasa, utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija je, sa šest glasova „za“, bez glasova „protiv“ i tri „suzdržana“ glasa, prihvatila principe Prijedloga zakona o dopuni Krivičnog zakona Bosne i Hercegovine.

Ad.5. Prijedlog zakona o spriječavanju sukoba interesa u institucijama Bosne i Hercegovine, predlagač: Vijeće ministara BiH (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali članovi Komisije: Ekrem Ajanović, Momčilo Novaković, Martin Raguž, Adem Huskić, Šefik Džaferović, Lazar Prodanović i Halid Genjac.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija je, sa šest glasova „za“, bez glasova „protiv“ i tri „suzdržana“ glasa, prihvatila principe Prijedloga zakona o sprečavanju sukoba interesa u institucijama Bosne i Hercegovine.

Ad.6. Prijedlog zakona o Sudskoj policiji Bosne i Hercegovine, predlagač: Vijeće ministara BiH (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Komisija je, nakon rasprave, sa osam glasova „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, sa šest glasova „za“, bez glasova „protiv“ i tri „suzdržana“ glasa, prihvatila principe Prijedloga zakona o Sudskoj policiji Bosne i Hercegovine.

Ad.7. Prijedlog zakona o izmjeni Zakona o Sudu Bosne i Hercegovine broj: 01–02–5-118/09, od 15.12.2009.godine, predlagač: poslanik Azra Hadžiahmetović, skraćeni zakonodavni postupak (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali poslanik Remzija Kadrić i članovi Komisije Drago Kalabić i Momčilo Novaković.

Komisija je nakon rasprave s šest glasova „za“, bez glasova „protiv“ i s jednim glasom „suzdržan“ utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s četiri glasova „za“, s jednim glasom „protiv“ i s dva glasa „suzdržan“ prihvatila principe Prijedloga zakona o izmjeni Zakona o Sudu Bosne i Hercegovine.

Ad.8. Prijedlog zakona o izmjenama i dopunama Zakona o Tužilaštvu Bosne i Hercegovine broj: 01-02-5-119/09 od 15.12.2009.godine, predlagatelj Azra Hadžiahmetović, - skraćeni zakonodavni postupak-(usklađenost s Ustavom Bosne i Hercegovine, pravnim sistemom Bosne i Hercegovine i principi prijedloga zakona, u skladu s članom 103. i članom 104. Poslovnika Doma);

Komisija je nakon rasprave s šest glasova „za“, bez glasova „protiv“ i s jednim glasom „suzdržan“ utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s četiri glasova „za“, s jednim glasom „protiv“ i s dva glasa „suzdržan“ prihvatila principe Prijedloga zakona o izmjeni Zakona o Sudu Bosne i Hercegovine.

Ad.9. Prijedlog zakona o izmjenama i dopunama Okvirnog zakona o visokom obrazovanju u Bosni i Hercegovini broj: 01-02-7-108 /09, od 24.11.2009., predlaže: poslanik Denis Bećirović, (ponovno razmatranje principa prijedloga zakona, u skladu s članom 104. Poslovnika Doma na osnovu zaključka Doma s nastavka 69. sjednice, održane 12.1.2009.)

Predsjedavajući je otvorio raspravu u kojoj su učestvovali predlagatelj zakona poslanik Denis Bećirović i član Komisije Halid Genjac.

Ustavnopravna komisija je, s pet glasova „za“, s tri glasa „protiv“ i s jednim „suzdržan“ glasom, podržala principe Prijedloga zakona o izmjenama i dopunama Okvirnog zakona o visokom obrazovanju u Bosni i Hercegovini.

Ad.10. Ostala pitanja:

- **Prijedlog prečišćenog teksta Izbornog zakona Bosne i Hercegovine (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma)**

Nakon rasprave u kojoj su učestvovali predstavnica CIK-a Jasminka Hadžiabdić, predsjedavajući Komisije Šefik Džaferović i član Halid Genjac, Komisija je jednoglasno prihvatila prijedlog da se ova tačka dnevnog reda razmatra na sljedećoj sjednici.

- **Prijedlog prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma)**

Komisija je, nakon rasprave, jednoglasno usvojila Prijedlog prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera.

- **Zahtjev Ustavnog suda Bosne i Hercegovine za izjašnjenjem o Zahtjevu Milorada Živkovića, predsjedavajućeg Predstavničkog doma Parlamentarne skupštine BiH za ocjenom ustavnosti člana 6. Zakona o Agenciji za osiguranje u Bosni i Hercegovini („Službeni glasnik BiH“, broj 12/04) (razmatranje zahtjeva u skladu s članom 41. stav (1) tačka g) Poslovnika Doma)**

Komisija nakon rasprave, s tri glasa „za“ pet glasova „protiv“ i jednim „suzdržanim“ glasom, nije podržala Zahtjev za ocjenom ustavnosti člana 6. Zakona o Agenciji za osiguranje u Bosni i Hercegovini, podnosioca predsjedavajućeg Predstavničkog doma Parlamentarne skupštine BiH Milorada Živkovića.

- **Inicijativa poslanika Mirjane Malić, od 28.12.2009. (razmatranje inicijative u skladu s članom 41. stav (2) Poslovnika Doma)**

Komisija je nakon rasprave:

- konstatirala da, u skladu s članom 8. Poslovnika Doma, poslanici imaju pravo da podnose inicijative Predstavničkom domu;
- Komisija je jednoglasno podržala Inicijativu poslanika Mirjane Malić za pokretanje aktivnosti nadležnih državnih organa (Vijeća ministara BiH i Parlamentarne skupštine BiH) za promjenu Ustava BiH i Izbornog zakona BiH u skladu s pravosnažnom odlukom Evropskog suda za ljudska prava u Strazburu.
- **Informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 12.6.2009., Konačna informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 9.10.2009., i Dopuna Informacije, od 28.12.2009. , podnosioca Ministarstva pravde BiH (razmatranje informacija u skladu s članom 41. stav (2) Poslovnika Doma)**

Komisija je, nakon rasprave, jednoglasno odlučila da prihvati Informaciju o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti i uputi je Predstavničkom domu na razmatranje s prijedlogom da je Dom nakon razmatranja prihvatiti.

- **Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06,24/06,70/06), podnosioci Agencija za javne nabavke BiH i Ured za razmatranje žalbi (razmatranje Nacrta prijedloga zakona o izmjeni Zakona o javnim nabavkama na osnovu zaključka s 85. sjednice Komisije)**

Komisija je, nakon rasprave, jednoglasno prihvatila prijedlog predsjedavajućeg da se u roku od sedam dana organizira sastanak na kojem će sekretarijat Ustavnopravne komisije, Zakonodavno-pravni sektor PSBiH, Agencija za javne nabavke BiH i Ured za razmatranje žalbi utvrditi Prijedlog izmjena i dopuna Zakona o javnim nabavkama BiH koji će se razmatrati na sljedećoj sjednici Komisije.

- **Izveštaj o radu Ustavnopravne komisije Predstavničkog doma za 2009. godinu (razmatranje izvještaja u skladu s članom 31. stav (2) Poslovnika Doma).**

Komisija je, nakon rasprave, jednoglasno usvojila Izveštaj o radu Ustavnopravne komisije Predstavničkog doma za 2009. godinu.

S obzirom da nije bilo više pitanja, sjednica je završena u 12,30 sati.

SEKRETAR KOMISIJE
Igor Bajić

PREDSJEDAVALAČI KOMISIJE
Šefik Džaferović